

կան-փիլիսոփայական վարդապետութիւնից . նա ինքնին ինքնաբաւ ու հոպիտ մի այլանդակութիւն է . նա չի կուռւմ Արեւմուտքի քաղաքակրթութեան դէմ , այլ ազգերի դէմ . եւ ընդհակառակը ցուցադրում է չափազանցացրած յափշտակութիւն դէպի այն բոլորը՝ ինչ ստեղծագործել է եւրոպական միտքը , թէեւ այդ բոլորից նա կերտում է խարդախ ու շողջողուն պարտիաներ թէ՛ իր ժողովուրդը եւ թէ՛ աշխարհը խաբելու համար :

Քեմալիզմը համայնաւարութեան ամենաոխելիմ թշնամին է . նրա դեկաւարն ու առաջնորդը կլանի հոգեբանութիւնն է . իր մեթոտները ծագում են նախնական մարդու ատաւելի , անասնական բնագոյներից : Արդարեւ Քեմալիզմը յանկարծ ինքնիրեն , իր կամքին ձրդուած նախնական կատարութիւնն է , որ պոռթկում է սանձարձակ ու աւերիչ . եւ որչափ մեծ է աւերը , այնքան հզօր է իր երջանկութեան քրքիջը , այնքան կրքոտ խաժամուժի օրգիան :

«Գազաններ են նստած Անգորայում , ասում էր ինձ 1922 թուին Լօզանում մի վարդածանօթ թիւրք հասարակական դործիչ . գազաններ այս բառի ամենայտակ իմաստով , առանց փոխարերութեան . պարզապէս մարդակերներ» :

Յիշեցի թիւրք ծանօթիս խօսքերն Անգորայի ու Չմիւռնիայի կախազանների օրերին :

Բոլշեւիզմը պատասխանատուութեան ըզգացմունք ու երկիւղ չունի , եւ անխնայօրէն փշրում է այն բոլորը , ինչ իր տեսակէտով կարող է իր յառաջընթացութիւնը խափանել :

Քեմալիզմը միլիոնաւոր անմեղների արեան պատասխանատուութեան մղձաւանջից ազատուած՝ ցատկարտում է խելայեղ ցնծումով եւ այն համոզումն ունի , որ իր համար ոչինչ կայ անկարելի աշխարհում :

Քեմալիզմը մեր օրերի ներոնիզմն է , որ ոճիրներից ու արիւնից յղիացած , անձնատուր է արուեստի բարձր հաճօքին , եւ ուզում է աշխարհը դարձացնել իր երաժշտական հանձարով :

Իրեւ արիւնարբու ու ջարդարար , քեմալիզմն այլեւս աշխարհին հետաքրքիր չէ . հինցած , խապու banale դարձած թեմայ է թիւրքի ջարդարարութիւնը :

Ներոն բնաւ հետաքրքիր չէր , երբ խողխողում էր իր մայրը , իր կինը եւ հրդեհում Հոռմը . բայց նա եղեոնօրէն հետաքրքիր երգիծարանական Փիղուրայ է , քնարը ձեռքին նուազելիս բոցավառուող քաղաքի լոյսերի մէջ :

Մարդկային հոգին յտակութեան եւ գրծերի ներգաշնակութեան սիրահար՝ ճղնում է միշտ ձեւերի պարզութեան . եւ երբ եղեոն ու զաւեշտը խառնուում են իրար , նա սարսուում է , լացի ու ինդութեան մէջ կարկամւում . ահա այս եղերածին զաւեշտն է խաղում այսօր թիւրքիայում քեմալիզմը :

Եւ մարդու հոգին է տառապում այդ տեսարանից . բայց եւ շատերի մտքերի մէջ քեմալիզմը ահագին ջիւթ է ստեղծել : Արդարեւ Միացեալ Նահանգներից դուրս , ուր տակաւին Վաշինկթընի , Լինկընի եւ Վիլսոնի պատգամները իշխում են եւ ուր թիւրք ու թրքութիւն բնագրական հակադրանք են յարուցանում , մնացեալ քաղաքակիրթ երկրներում հետզհետէ մեծանում է քեմալիզմի յարուցած խոտվքը : Դանդաղօրէն , բայց անընդհատ բազմանում է այն մարդկանց թիւը , որոնք ողի ի բրուին ջանադիր են , եթէ ոչ համակրանքի , դէթ ներողամտութեան ու մանաւանդ՝ մոռացումի մի մթնոլորտ ստեղծել արտասահմանում այսպէս կոչուած «Նոր թիւրքիայի» չուրջը , այսինքն՝ քեմալիզմի :

Ես չեմ խօսում դիւանադէտների մասին , որոնց համակրանքն ու հակակրանքը բարոյական գնահատումից վրիպում է եւ հետեւապէս զուրկ է որեւէ արժէքից :

Չեմ խօսում եւ այն թրքասէրների մասին — ժուրնալիստ , թէ քաղաքական դործիչ — որոնք կան բոլոր քաղաքակիրթ երկրներում եւ որոնց անունն է խղճմտանքի փերեզակներ : Դրանց մի նմուշը գիտեմ մի մեծ երկրում , մի տիկին , հին հայասէրի այրի , որ վերջին տարիները դարձած է քեմալիզմի ջերմ ջատաղով ու եռանդուն պրոպագանտիստ թըրքութեան : Օտար բարեկամներ միայն վերջերս բացատրեցին ինձ այս ամօթալի մետամօրֆօզը . պարզում է , որ այս տիկինը այժմ խոշոր նիւթական շահերով մասնակից է Չմիւռնիոյ